

Predstavnici kompanije Alumina iz Zvornika i Rudnika mrkog uglja Banovići potpisali su u petak (29. decembra 2017. godine) u Zvorniku ugovor o poslovnoj saradnji za 2018. godinu vrijedan 29 mil KM.

Prema ugovoru, koji su potpisali predsjednik Upravnog odbora Alumine Milorad Motika i direktor Rudnika Munever Čerčić, Rudnik mrkog uglja Banovići će tokom naredne godine isporučiti oko 200.000 tona uglja za potrebe zvorničke kompanije, što je za oko 30% više u odnosu na isporuku u 2017. godini.

Motika je, nakon potpisivanja, rekao da je zvornička kompanija potpisala značajan ugovor, jer se njime obezbjeđuju potrebne količine uglja za rad energetske postrojenja.

Rudnik mrkog uglja Banovići planira da u 2018. godini proizvede oko 1,57 miliona tona uglja, od čega će 12 do 13 odsto ukupne godišnje proizvodnje biti namijenjeno za potrebe "Alumine".

Alumina i Rudnik mrkog uglja Banovići već šest godina potpisuju ugovore o poslovnoj saradnji.

Izvor: indikator.ba